

商家後此而改號曰殷武王伐紂於此築城息偃戎師因  
以名焉天寶七年四月河南尹<sup>韋</sup>濟秦於偃師縣東山下  
開驛路通孝義橋廢此坡義堂路焉

北邙山在縣北二里西自洛陽縣界東入鞏縣界舊說云  
北邙山是隴山之尾乃衆山總名連嶺修亘四百餘里  
首陽山在縣西北二十五里

盟津在縣西北三十一里

緱氏縣

西北至府  
六十三里

本縣古清國也左傳曰秦師滅滑其後

屬晉至秦漢為縣因山為名大業十年移據公路澗西憑  
岸為城即今縣是也

緱氏山在縣東南二十九里王子晉得仙處

轅轅山在縣東南四十六里左傳欒盈遇周王使後出諸

轅轅注曰緱氏縣東南有轅轅關道路險隘凡十二曲將

去復還故曰轅轅後漢河南尹何進所置八關此其一也

鄂嶺坂在縣東南五十七里晉八王故事曰范陽王保於

鄂坡後于其上置關

洛水自西洛陽縣界流入

曹城在縣東一里曹操與袁術相拒築城於此

袁術固一名袁公塢在縣西南十五里宋武北征記曰少

室山西有袁紹固可容十萬衆一夫守隘萬人莫當



公路壘在縣南三里袁術與曹公相拒處

鈞鑠故壘在縣東北七里宋書司馬休之從宋公西征營于相各塢西即此壘相連如鎖因以為名也

鞏縣西至府一百四十里古鞏伯之國也春秋晉師尅鞏戰國時韓

獻於秦至漢以為縣屬河南郡大業十三年李密自潁川

率群盜十餘萬襲破洛口倉因據鞏縣仍築城斷洛川包

南北山週迴三十餘里屯營其中後為王充所破縣本與

成臯中分洛水西則鞏東則成臯後魏并焉按爾雅鞏

固也四面有山河之固因以為名

天陵山在縣東南六十里

黃河西自偃師縣界流入河於此有五社社渡波又有五社津後漢朱鮪遣賈強從五社津津渡波是也

洛水東經洛汭北對瑯邪渚入河謂之洛口亦名什谷張

儀說秦王下兵三川塞什谷之口即此也

伊闕縣北至府七十里古戎蠻于放國漢為新城縣屬河南郡周武

帝時屬伊川郡開皇十八年罷郡改為伊闕縣

伊闕山在縣北四十五里兩山相對望之若闕伊水流其間故名

陸渾山俗名方山在縣西五十五里

伊水西自陸渾縣界流入左傳秦晉遷陸渾之戎于伊川



伊闕故關在縣北四十五里何進八關之一

密縣西南至府一百十里本漢舊縣古密國也春秋諸侯伐鄭圍新

密漢屬河南郡隋大業二年廢十二年又置武德三年於

此置密州四年廢州以縣屬鄭州龍朔二年割屬河南府

爾雅曰山如堂者曰密因以為名

大隗山在縣東南五十里本具茨山黃帝見大隗于具茨

之山故亦謂之大隗山澗水源出於此

馬頰山在縣南十五里洧水所出

王屋縣東南至府一百里本周時召康公之采邑漢為垣縣地後

魏獻文帝分垣縣置長年縣周明帝改為王屋縣因山為

名仍於縣置王屋郡太和元年又為西懷州開皇三年改

為郡即州大業三年廢邵州以縣屬懷州明慶二年割屬河

南府

齊子嶺在縣東十二里即宇文周與高齊分據境之處也

黃河在縣南五十里

王屋山在縣北十五里週迴一百三十里高三十里禹貢

底柱析城至于王屋是也

析城山在縣西北六十里峯四面其形如城有南門焉故

曰析城

長水縣東至府二百里本漢盧氏縣地後縣漢晉宋不改後魏宣



武帝分盧氏東境置南陝縣屬弘農郡西魏廢帝改為長

淵義寧元年以犯高祖廟諱改為長水貞觀八年自號州

割屬穀州明顯慶二年屬河南府穀州今新安縣所理是也

伊陽縣北至府二百六十里本陸渾縣南界之地先天元年割置伊

陽縣

伊水路在縣西南出鸞掌山東流水經云出南陽魯縣蔓

蕪山東北過陸渾縣南又東北過伊闕中又魯東北入於洛

多雨暴漲諸峽束水之處其高或七八丈故伊闕石壁有

石銘云黃初四年六月二十四日辛巳大水出高四丈五

尺

銀鈔室在縣南五里今每歲稅銀一千兩

河陰縣西南至府二百三十里本漢滎陽縣地開元二十二年以地

當汴河口分沁水滎澤武涉三縣地于輸場東置以便運

漕即待中裴耀卿所立初耀卿為宣州刺史開元十八年

因朝集上便宜曰竊見江淮諸州所送租庸等本州正月

二月上道至揚州入斗門即逢水淺停留一月已上四月

已後始度淮入汴多屬乾淺又般運停留至六月七月方

至河口即遇黃河漲溢不得入河又須停一兩月待河水

較小始得上河入洛即又漕洛乾淺船艘不通計從江南

至東都停滯日多得行日少艱辛欠折因此而生伏見國

元

元和郡縣志

卷五



家舊法河口元置武牢倉江南舡不入黃河即於倉內便貯也鞏縣置洛口倉從黃河不入漕洛即於倉內安置爰及河陽倉柏岷倉太原倉永豐倉渭南倉節級取便例皆如此水通利則隨近運轉不通則且納在倉不滯遠舡不生隱盜每年剽得一二百萬石即數年之外倉廩轉加至二十二年以耀鄉為相兼轉運都使於是遂分置河陰縣及河陰倉一河清縣置柏岷倉三門東置集津滄三門西置益倉三門北鑿山十八里陸行以避湍險自江淮來者悉納河陰倉自河陰候水調浮漕送含嘉倉又取曉習河水者通送太原倉浮渭以實關中凡三年運七百萬石

省脚三十萬貫及耀鄉罷相後緣北路險澁頗為隱欺議者言其不便事又停

汴渠在縣南二百五十步亦名葭蕩渠禹塞滎澤開渠以通淮泗後漢初河汴決壞明帝永平中命王景修築渠堤十里立一水門令更相注洄無復潰漏之患自宋武北征之後復皆堙塞煬帝大業元年更令開導名通濟渠自洛陽西苑引穀洛水達于河自板渚引河入汴口又從大梁之東引汴水入于泗達於淮自江都宮入于海亦謂之御河一畔築御道樹之以柳煬帝巡幸乘龍舟而往江都自揚益湘南至交廣閩中等州公家運漕私行商旅舳舻相



元利君具志  
繼隋氏作之雖勞後代實受其利焉

汴口堰在縣西二十里又名梁公堰隋文開皇七年使梁  
睿增築漢古堰過河入汴也

三皇山亦曰義高山上有三城即劉項相持處春秋左氏  
傳曰晉師在敖郟之間亦此也

陽翟縣西北至府二百四十里本夏禹所都春秋時鄭之櫟邑韓自

宜陽移都於此秦為潁川郡楚漢之際韓公子成為韓王  
項羽殺成立鄭昌漢元年又誅昌立橫野君信六年徙信

太原公復置潁川郡領縣二十理陽翟潁川屬縣後魏復  
置陽翟郡開皇十六年廢郡置高州以縣屬焉大業三年

隸襄城郡武德中又隸嵩州貞觀元年廢入許州建都魏  
改屬河南府

釣臺在縣南十五里在氏傳曰夏啟有釣臺之饗也

潁陽縣西北至府九十里古綸氏縣本夏之綸國也少康之邑在

漢屬潁川晉省後魏太和中於綸氏縣城置潁陽縣屬河

南戶又分潁陽置瑤陽縣開皇六年改瑤陽為武林十八

年又改為綸氏大業元年改為嵩陽載初元年又改為武  
林開元十五年改為潁陽

大石山一名萬安山在縣西北四十五里

倚箔山望之如立箔山西北崖下有鍾乳隋時充貢



陽乾山在縣東二十五里潁水一源出陽乾山  
太谷口在縣西北三十五里孫堅停兵大谷距洛陽九十  
里即此谷

大谷故關在縣西北四十五里何進八關之一也

告成縣

西北至府一  
百七十里

本漢陽城縣屬潁川郡因陽城山為名後魏置陽城郡屬  
司州開皇三年廢郡以縣屬洛州十六年於此置嵩州仁  
壽四年省嵩山以縣屬河南郡萬歲登封元年則天因封  
中嵩改名告成  
許由山在縣內十三里

嵩高山在縣西北二十三里

少室山在縣西北五十里

陽城山在縣東北三十八里

鬼谷在縣北五里即六國時鬼谷先生所居也

測景臺在縣城內西北隅高一丈開元十年詔太史監南  
宮說立石表焉

登封縣西北至府一百三十五里

本漢嵩高縣武帝元封元年置以奉太室後省入陽城累  
代因之高宗將有事於中岳分陽城緱氏置嵩城縣萬歲  
登封元年則天因封岳改為登封



嵩高山在縣北八里亦名方外山又云東曰太室西曰少室嵩高搃名即中岳也山高二十里周迴一百三十里

少室山在縣西十里高十六里周迴三十里潁水源出焉潁水有三源石水出陽乾山之類谷中水導源少室左右水出少室南溪東合潁水

開母祠縣東北七里漢書武帝祀中岳見夏啟母石是也應邵云啟生而母化為石淮南子亦同嵩山記陽翟婦人今龕中鑿石像其名石漢安帝延光三年立

福昌縣東至府一百五十里

古宜陽地春秋時屬晉七國時屬韓漢以為縣屬弘農郡後漢建武三年馮異破赤眉於崤底餘衆走向宜陽帝自

征之赤眉君臣面縛即此地也義寧三年於此置宜陽郡武德元年改為穀州改宜陽縣為福昌縣取縣西隋宮為名明慶二年廢穀州以縣屬河南府今縣城即魏一全塢城東南北三面天險峭絕後周置重兵於此以備高齊女几山在縣西南三十四里

壽安縣

東北至府七十六里

本漢宜陽縣地後魏分新安置甘掌縣隋開皇三年以縣屬熊州十六年改為穀州仁壽四年改名壽安縣貞觀七年改屬河南府

石墨山在縣西南三里山石如墨可以書



洛水西自福昌縣界流入  
少水今名慈澗水出縣北

八閩故城在縣東北三十里後漢靈帝中平元年以河南  
尹何進為大將軍將五營士屯都亭置函谷大城伊闕大  
谷鞬鞬旋門平津孟津等八閩都尉官理於此

永濟橋在縣西十七里煬帝大業三年置架洛水隋亂毀  
廢貞觀八年脩造舟為梁長四十丈三尺廣二丈六尺

澠池縣 東至府一百五十里

本韓地哀侯東徙其地入秦漢以為縣屬弘農郡隋文帝  
時屬熊州今河南府福昌縣是也十六年改屬穀州明慶二年廢穀

州縣屬河南府

廣陽山亦名澠池山在縣東北五十五里

穀水南去縣二百步東經秦趙二城俗謂之俱利城

東城在縣西十三里

西城在縣西四十里昔秦趙會于澠池之處

大塢故城在縣北十五里後魏武帝入關使行臺楊騰出  
關安撫騰因舊城置大塢鎮

永寧縣東至府二百里

漢澠池縣之西境後漢晉宋不改後魏文帝於今縣東四  
十里置北宜陽縣屬宜陽郡廢帝二年改為熊耳縣義寧



二年置永寧縣屬宜陽郡貞觀元年改屬河南府

二峭山又名嶽釜山在縣北二十八里春秋時秦將襲鄭蹇叔哭送其子曰晉人禦師必于峭峭有二陵其南陵夏后臯之墓北陵文王之所避風雨必死是間漢建安中曹公西討巴漢惡其險更於山下路側有石銘曰晉太康三年弘農太守梁柳修復舊道西征記峭上不得鳴鼓角則風雨總至自東峭至西峭三十五里東峭長坂數里峻阜絕澗車不得方軌西峭全是石坂十二里險絕不異東峭熊耳山在縣東北四十五里後漢世祖破赤眉積甲宜陽縣城西與北山齊按禹貢導洛自熊耳在高州上洛縣界

與此別也

穀陽山在縣西北五十五里漢書地理志穀水出穀陽山回谿俗名迴坑在縣東北三十六里馮異與赤眉戰敗於此璽書勞曰始垂翅于迴溪終奮翼于澠池可謂失之東隅收之桑榆

新安縣 東至府七十里

本漢舊縣屬弘農郡晉改屬河南郡後魏屬新安郡周武帝保定三年省新安郡又於今縣理置中州建德六年省中州又置新安郡隋開皇六年改置穀州貞觀元年省中州新安屬河南府



穀水在縣南二里國語曰穀洛闢壞王宮是也縣城本名  
通洛城周武帝將東封令陝州總管尉遲綱築此城以臨  
齊境

白超故城一名白超壘一名白超塢在縣西北十五里壘  
當大道左右有山道從中出漢末黃巾賊起白超築此壘  
以自固東魏修築為城因名白超城

函谷故關在縣東一里漢武帝元鼎三年為楊僕徙關於  
新安案秦函谷關在今陝州靈寶西南十二里靈寶縣以  
其道險隘其形如函故曰函谷項羽坑秦降卒於新安即  
此地今縣城之東有南北塞垣楊僕所築

慈澗故鎮在縣東南二十里周武帝保定六年置武德三  
年討王充前軍鎮此太宗以輕騎擊破之充拔鎮歸於東  
都

陸渾縣

東北至府一百三十里

一本陸渾戎所居春秋時秦晉遷陸渾

之戎於伊川至漢為陸渾縣屬弘農郡後屬河南尹後魏  
改為伏流縣大業元年省伏流縣移陸渾縣於今理  
三塗山在縣西南五十里左傳曰四嶽三塗陽城大室九  
州之險

明臯山在縣東北十五里

伊水在縣西南自虢州盧氏縣界流入



伏流城即今縣理城東魏孝靜帝武定二年所築以城北  
焦澗水伏流也下西有伏流坂因以為名

河陽縣

西南至府  
八十里

自河陽已下至河清等五縣今權隸三

城節度本

周司

寇藎忿生之邑後為晉邑在漢為河陽縣

屬河內高齊省入溫軹二縣開皇十六年分溫軹二縣重

置屬懷州武德四年平王充後割屬河南府

南城在縣西四面臨河即孟津之地亦謂之富平津後魏  
使高永樂守河南以脩西魏即此也周隋為宮貞觀置鎮  
中渾城東魏孝靜帝元象元年築之仍置河陽關天寶已  
前亦于其上置關縣西南十三里古遮馬堤即後魏爾朱

崇殺朝士千三百餘人於此

謹按至德中史思明之求寇也時李光弼已至東都聞思  
明將至乃移牒留守及河南尹并留司官坊市居人令悉  
出避寇空其城乃率麾下士馬數萬東守河陽三城拒逆  
賊黨初謂光弼自洛而西及聞保河陳出其慮外疑懼久  
之不敢犯官闕光弼訓練招集威聲大震賊雖入城憚光  
弼兵威南不出百里西不越畿內陝州得修戎備關隘無  
虞皆光弼保河陽之力故自乾元已後常置重兵貞元後  
加置節度為都城之巨防造浮橋架黃河為之以船為脚  
竹筴聳巨之晉陽秋云杜元愷造河橋於富平津即此是也



船籍出洪州

温縣 西南至府百三十里

本周畿內司寇蘇公之邑春秋周襄王賜晉文公漢以為縣屬河內郡大業十三年自故温移於今所皇朝建都割屬河南府

濟源縣南至府一百二十里

古軹邑屬魏秦昭王時代魏取軹漢文帝時封薄昭為軹侯屬河內郡開皇十六年分軹縣置濟源縣屬懷州以濟水所出因名明慶一年割屬河南府

濟水在縣西北三里平地而出有二源其東源週迴七百

步深不測西源週迴六百八十五步深一丈皆繚之以周

墻源出王屋山、海經云王屋之山澗水出焉郭璞注云

澗流水之源尚書禹貢云導沅水東流為濟入於河溢為

滌澗榮孔安國注云濟水入河並流十數里而南截河又並流

數里溢為滌澤按禹貢導沅水東流為濟入於河溢為滌

東出於陶丘北入東至於荷又東北會於汶又北東入於

海顏師古云沅水而為濟截河內為滌澤陶丘今在曹州

定陶西南荷澤遇荷澤又與汶水會北折而東入于海也

按沅水出今王屋縣山東流至濟源縣而名濟水滌澤在

今鄭州滌澤縣定陶今曹州濟陰縣也荷澤在今兗州魚



臺縣汶水出今兗州萊蕪縣然濟水因王莽末旱渠涸不復截河南過今東平濟南淄川北海界中有水流入於海謂之清河寔荷澤汶水合流亦曰濟河蓋因舊名非本濟水也而水經是和帝已後所撰乃言濟水南過茌澤至於乘氏等縣一依禹貢舊道斯不詳之甚也酈元又從而注之尤為紕繆矣

百尺溝在縣東北六里引濟水溉灌仁壽三年置初分功人穿十丈故名百尺溝

河清縣

南至府六十里

本漢軹縣地縣西有相<sub>故</sub>城即東魏將侯景所築武德

初於城東置大基縣八年省咸通四年重置先天元年以

祀玄宗廟諱改名河清

汜水縣 西南至府一百八十里

古東虢國鄭之制邑漢之成臯縣一名武牢穆天子傳曰天子獵於鄭國有獸在葭中七萃之士擒之以獻天子命蓄之東隅因曰武牢漢楚之際項羽使海春侯曹咎守之漢王破之咎自殺至宋武帝北平關洛置司州刺史理武牢魏使奚斤攻宋司州刺史毛德祖經二十日<sub>不</sub>尅之城受傷者無血知其乏水潛作地道其穴猶存開皇十八年改成臯為汜水縣大業十三年陷於王充武德四年討平充



復於縣理置鄭州貞觀七年移鄭州於營城以縣屬焉  
明慶二年改屬河南府垂拱四年改名廣武縣神龍元年  
復為汜水開元二十九年自武牢城移於今理  
黃河自鞏縣流入

汜水出縣東南三十二里浮戲山經武牢城東漢破曹咎  
於此

成臯故關在縣西南十里即八關之一

汴口去縣五十里今屬河陰

旋門關在縣東南二里

板渚在縣東北三十五里初竇建德眾數十萬自於板渚

結陣南屬鵲山以臨汜水太宗帥輕騎擊之賊眾大潰建  
德竄于牛渚將軍白士讓生獲先是童謠云豆入牛口勢  
不得久果敗於此牛口渚与板渚邈迤相接  
寺慈寺在縣東七里王師既破建德有詔於戰所起寺立  
碑紀功焉今顏師古為其碑文

元和郡縣志卷第五







元和郡縣志卷第六

河南道二

陝虢觀察使

陝州

虢州

汝州

陝州陝郡都督府

開元戶四萬七千三百二十二

鄉五十六

今為陝虢觀察使理所

管州三

縣一十四

都管戶一萬一千九百四十七

墾田

陝州

虢州

汝州

禹貢豫州之域周為二伯分陝之地公羊傳曰自陝以東周公主之自陝以西召公主之又為古之虢國今平陸縣地是也戰國時為魏地後屬韓秦并天下屬三川郡漢為

NATIONAL CENTRAL LIBRARY, TAIWAN, R.O.C.





弘農郡之陝縣自漢至宋不改後魏孝文太和十一年置陝州以顯祖孝文皇帝諱弘改為恒農郡十八年罷陝州孝武永熙中重置西魏文帝大統三年又罷周明帝復置屯兵於此以備齊大業二年復罷以其地屬河南郡義寧元年改置弘農郡武德元年改為陝州廣德元年改為天都督府

謹按陝城蒲牢與彭城滑臺壽陽懸瓠屢經攻守皆中夏之要云

州境東西二百五十二里  
南北隔河二百四十六里  
八到

西至上都五百一十里  
東至東都三百五十里  
西南至魏州一百三十里  
北至絳州一百里  
西至潼關二百里  
西北至河中府二百四十五里  
賦關元貢  
賦馳絹綿絲布  
栢子仁  
瓜  
蒺

管縣八 陝縣 硤石 靈寶 夏縣 安邑 平陸

芮城 垣縣

陝縣郭下本漢縣也歷代不改後魏改為陝中縣西魏去中字周明帝于陝城內置靖郡以陝靖二縣屬焉開皇罷郡以縣屬陝州陝原在西南二十五里

虢山在縣西二里臨黃河自靈寶界流入後漢獻帝東歸



至陝議者欲令天子浮河東下太尉楊彪曰從此以東有三十六灘非萬乘所當從也乃止

曹陽墟俗名七里澗在縣西南七里獻帝東遷李傕郭汜追戰於弘農東澗天子遂露次於曹陽之墟謂此地也

州里城即古虢國城西征記曰陝縣周召分職處南倚山原北臨黃河懸水百餘仞臨之者皆為悼慄

故焦城在縣東北百步

太原倉在縣西南四里隋開皇二年置以其北臨焦水西俯大河地勢高平故謂之太原今倉寔中週迴六里

大陽故關在縣西北四里後周大象元年置即茅津也春

秋時秦伯伐晉自茅津濟封峭尸而還

徽伯故壘在縣南二里高觀使李徽伯成陝周太祖攻之

徽伯築壘于此拒太祖

北利人渠開皇六年文帝建邺國公蘇威引索水西北入城百姓賴其利故以為名

南利人渠東南自硤石界流入與北渠同時疏導

太揚橋長七十六丈廣二丈架黃河為之在縣東北三里

貞觀十一年太宗東巡遣武侯將軍立行恭營造

硤石縣 望 西至府五十里

本漢陝縣地屬弘農郡自漢至宋不改後魏孝文分陝縣



東界置靖縣明帝二年分陝靖二縣置靖郡隋文罷郡以靖縣屬陝州大業二年廢入陝縣義寧元年重置理陝石  
嶋貞觀中改名硤石縣

砥柱山俗名三門山在縣東北五十里黃河中禹貢曰導河積石至于龍門又東至于砥柱河水分流包山見水中若柱然也又以禹理洪水山陵當水者破之以通河山穿既決河出其間有似于門故亦謂之三門漢成帝鴻嘉四年楊焉上言砥柱之險可鑄廣之上乃令鑄之終沒水中不能復去而令湍流湍怒為害彌甚隋開皇三年遣倉部侍郎常瓚自蒲陝以東募人能於洛陽運米四十石經

砥柱之險達於常平者免其征戍貞觀十二年太宗東巡臨幸於此令魏徵勒銘

莘野在縣西十五里春秋時有神降於此

黃河西自陝縣界流入東經砥柱水經注曰後魏景明中帝遣諫議大夫寇慈師工三千人歲時修理以平河阻魏長城在縣北二十二里魏惠王十九年所築東南起靖山西北至河三十七里

靈寶縣望東北至府七十五里

本漢弘農縣自漢至後魏不改隋開皇十六年於今縣置桃林縣屬陝州天寶元年於縣南古函谷關尹真人宅掘



得天寶靈符遂改縣為靈寶

稠桑宅在縣西十里魏公敗戎于桑田即此也

函谷故城在縣南十里秦函谷關城漢弘農縣也西征記

曰函谷關城路在谷中深險如函故以為名其中劣通東

西十五里絕岸壁立崖上柏林蔭谷中殆不見曰關去長

安四百里日入則閉雞鳴則開秦法也東自崤山西至平

津通名函谷號曰天險所謂秦得百二也隗囂將王元說

囂曰請以一丸泥東封函谷關即此也

桃林塞自縣以西至潼關皆是也春秋時晉侯使詹嘉處

瑕守桃林之塞三秦記曰桃林塞在長安東四百里若有

軍馬經過好行則收華山林息林下惡行則決河漫延人馬不得過矣

涇津在縣西北三里義寧元年置關貞觀元年廢關置津

曹陽亭在縣東南十四里陳涉使周文西入秦、使章邯

擊破之殺文於曹陽即此地也後曹公改為好陽

夏縣 望 西南至州一百二十里

本漢安邑縣地屬河東郡後魏孝文太和十一年別置安

邑縣十八年改為夏縣因夏禹所都為名大業二年屬河

東郡武德元年又屬

虞州 今陝州安邑縣是也

下



貞觀十七年隸絳州大定元年割屬陝州尋屬絳州乾元三年屬陝州

涑川在縣北四十里左傳晉侯使呂相絕秦曰伐我涑川按川東西三十里南北七里

安邑故城在縣東北一十五里夏禹所都也

安邑縣望南至府一百一十里

本夏舊都漢以為縣屬河東郡開皇十六年屬虞州貞觀十七年屬蒲州乾元三年割屬陝州

雷首山一名中條山在縣南二十里其山有銀谷在縣西南三十五里隋及武德初並置銀冶監今廢

高堠縣在縣北三十里原南坂口即古鳴條陌也湯與桀戰於此

鹽池在縣南五里即左傳郟瑕氏之地沃饒近鹽是也今案池東西四十里南北七里西入解縣界

平陸縣望西南至州十七里

本漢大陽縣地屬河東郡後漢於此置河北郡領河北縣開皇十五年河北縣改屬蒲州貞觀元年又屬陝州天寶元年改為平陸縣

黃河在縣南二百步

吳山即吳坂也伯樂遇騏驎駕鹽車之地其坂自上及下



七山相重

傳巖在縣七里即傳說版築之處

閑原在縣西六十五里即虞芮爭田讓為閑田之所

顛軫坂今謂之軫橋在縣東北四十五里左傳曰冀為不

道入自顛軫是也

瑟、窟在縣西北四十里

故虞城在縣東北五十里虞山之上晉侯使荀息假道於

虞以伐虢即此城也

下陽故縣在縣東北二十里

芮城縣望東至府一百里

本漢河北縣地屬河東郡自漢至後魏因之周明帝二年  
改名芮城屬河北郡其年又於此置虞州武帝建德二年  
於縣置芮州貞觀元年廢芮州以縣屬陝州

黃河在縣南二十里

故魏城春秋晉滅之賜畢萬是也在縣北五里

故芮城在縣西二十里古芮伯國也

垣縣上西南至州二百里

本漢縣屬河東郡後魏獻文帝皇興四年置邵郡及白水  
縣周明帝武成元年改白水為亮城縣大業三年改亮城  
為垣縣屬絳郡武德元年屬郡州九年屬絳州貞元三年



割屬陝縣枕黃河

垣城在縣西二十里

臯落城在縣西北六十里左傳曰晉侯使太子申生伐東

山臯落氏是也

魏州

開元戶一萬七千七百四十三  
元和戶五千二百三十六

鄉三十六

禹貢雍及豫二州之境周初為魏國魏有三北魏今陝州

平陸縣東魏今萊陽縣西魏在今鳳翔扶風縣也魯僖二

年晉荀息假道于虞以伐魏亡仍為晉地其後三鄉分

晉屬韓秦兼天下屬三川郡至漢武帝元鼎四年置弘農

郡後魏以獻文帝諱弘改為恒農郡孝武帝永熙三年分

為西恒農屬陝州周明帝復為弘農開皇三年廢郡以縣

屬陝州大業二年又改屬豫州三年又于弘農縣置弘農

郡義寧元年改為鳳林郡其年于盧氏縣置魏郡武德元

年改為魏州其年改鳳林郡為鼎州因鼎湖以為名貞觀

八年廢遂移魏州於今理所

州境

東至上都四百三十里  
西北至陝州一百三十三里  
東至東都四百三十三里  
西南至商州三百七十里  
西北至漳關一百三十里  
自關至華州一百二十里  
西北至河中府一百八十里

八到



貢賦開元貢天門冬賦絹絕綿

管縣六

弘農

盧氏

閿鄉

玉城

朱陽

湖城

弘農縣郭下

本漢舊縣大業二年省三年復於今湖城縣西南一里置尋移就郡理其年移郡于鴻臚川縣亦隨徙即今縣是也義寧元年屬鳳林郡武德元年屬鼎州貞觀八年屬魏州方伯堆在縣東南五里宋奮武將軍魯方平所築鴻臚水過縣北十五里入靈寶界溉田四百餘頃盧氏縣上西北至州一百六十六里

約小字旁注  
一本作一百六十五

本漢舊縣春秋時西魏之邑地有盧氏山或言靈教得道於此山宜五穀可以避水灾開皇三年改為魏州大業三年廢以盧氏屬河南郡武德元年又置魏州縣依舊

熊耳山在縣南五十里禹貢奠洛於此

閿鄉縣望東南至州一百里

本漢湖縣地屬京兆尹自漢至宋不改周明帝二年置閿鄉郡按閿鄉本湖縣鄉名閿古文聞字也說文從門受聲開皇三年廢閿鄉郡十六年移湖城縣於今所改名閿鄉縣屬陝州貞觀八年改屬魏州

秦山一名奈嶺在縣南五十里南入商州西南入華州一



元和君是六

高二千丈週迴三百餘里

黃卷坂在縣西北二十五里即潼關路也水經注曰河水自潼關東北流入側有長坂謂之黃卷坂東出通謂之函谷關岸高道陘車不得方軌魏武征韓遂馬超遼兵此地又潘岳西征賦曰溯黃卷以濟潼關亦謂此也

桃源在縣東北十里古之桃林周武王放牛之地也

黃河在縣北三里

全鳩水一名全節水漢戾太子亡匿之處

思子宮故城在縣東北二十五里漢武帝為戾太子所築也

曹公故壘在縣西二十五里魏武征韓遂馬超此地置壘又宋之入長安檀道濟王鎮惡濱帶河險大小七營皆此處

赫連氏京觀俗號平吳臺在縣西二十二里赫連勃勃使太原公昌攻劉裕將齡石於潼關剋之築臺以表武功王城縣上西北至州六十里

本漢盧氏縣地屬弘農郡後魏正始二年分立石城縣廢帝改為王城周武天和元年廢義寧元年重置貞觀八年移於今理

朱陽縣上東北至州七十里



本漢盧氏縣屬弘農郡後魏太和十四年蠻人樊磨背梁歸魏立朱陽郡并朱陽縣令樊磨為太守大統三年分為朱陽郡屬東義州周武保定二年又省郡宣帝大象元年割盧氏西界以益朱陽縣開皇四年北屬陝州大業三年改屬虢州

湖城縣望 東南至州五十二里

本漢湖縣屬京兆尹即黃帝鑄鼎之處後漢改屬弘農郡至宋加城字為湖城縣

荆山在縣南即黃帝鑄鼎之處

夸父山在縣東南三十五里

湖縣故城在縣西南二里

汝州望 開元戶二萬六千五十三  
元和戶一萬三千七十九

鄉六十七  
鄉三十七

禹貢豫州之域春秋時周王畿及鄭楚之地後屬於晉六國時復為韓魏之地秦屬三川郡在漢為河南郡之梁縣地也開皇四年自陸渾縣界移伊州理於此大業二年改為汝州三年改為宸城郡隋亂陷賊武德四年討平王充復為伊州貞觀八年改為汝州

州境 東西二百三十三里  
南北二百五十二里

八到 西至上都九百八十里  
西北至東都一百七十里

南至蔡州四百五十里  
西南至鄴州四百七十五里



東至許州二百三十里

貢賦

管縣七 梁縣 臨汝 魯山 葉縣 襄城 龍興

陝城

梁縣上郭下

漢舊縣古蠻子邑戰國時謂之南梁以別大梁少梁即左傳云楚為一昔之期而襲梁及霍也

蠻中聚即或蠻子國也在今郡西南俗謂之麻城又有陽人聚故城在今縣西秦滅東周徙其君于陽人聚即北地也漢末孫堅大破董卓軍于此高齊于此置汝北郡以備

周寇故城在今縣南亦名王鳩城隋煬帝改梁縣為承休縣屬汝州貞觀元年又改為梁縣汝水經縣南三里

廣成澤在縣西四十里後漢安帝永初元年以廣成遊獵地假與貧又元初二年鄧太后臨朝鄧騭兄弟輔政以為文德可興武功宜廢請寢蒐狩之禮於時馬融以文武之道並用作廣成贊以諷按此澤周迴一百里煬帝大業元年置馬牧於此

周承休城在縣東北二十六里漢封周後於此

黃坡在縣東二十五里南北七里東西十里隋朝修築有溉灌之利隋末廢壞乾封初有詔增修百姓賴其利焉



臨汝縣 上東南至州六十里

本漢梁縣地先天二年置貞觀七年刺史陸長源奏請割梁縣西界二鄉以益之乃自下縣昇為上縣

魯山縣 上北至州一百五十里

本漢魯陽縣古魯縣也屬南陽郡魯陽公與韓戰酣揮戈日為退三舍謂此地也後魏太和十一年孝文南巡置魯陽鎮十八年改鎮為荊州二十二年罷荊州置魯陽郡改魯陽縣為北山縣周改為魯山縣武德四年又於縣置魯州貞觀元年州廢以魯山屬伊州八年改伊州為汝州魯山在縣東北十里

魚齒山在縣東六十里春秋楚師伐鄭涉於魚齒之下山有漁水故言涉也

汝水出縣西一百五十里

人息山一名伏牛山

汝水出縣西大陌山世祖破王尋於昆陽士卒赴水死者甚眾汝水為之不流即此水也

溫湯水在縣西四十里狀如沸湯可以熟米側有石銘曰女湯可以萬病

魯陽關水俗謂之三鷓水經縣西七里其關三鷓鎮在縣西南十九里後周置以禦高齊亦名平高城

一作汝水



魯城在縣東北十七里高齊置以禦周  
葉縣 緊西北至州二百一十里

本楚之葉縣春秋楚人遷許于此其後楚使沈諸梁尹之  
僭號稱公謂之葉公秦置郡縣隸于南陽後漢書謂之小  
長安言地沃人豐也開元三年於縣置仙州以漢時王橋  
於此得仙也二十六年廢仙州屬許州其年又割屬於汝  
州

方城山在縣西南十八里楚屈完曰楚國方城以為城是  
也

黃成山一名苦菜山在縣西二十五里即長沮桀溺耦耕

處汝水西北流入去縣二十三里

昆陽故城在縣北二十五里後漢世祖破王邑尋之處燒  
車水在縣南二十四里世祖破王尋燒其輜重於此水濱

因名

襄城縣 望 西北至州一百四十里

本秦舊縣漢因之屬潁川郡春秋襄王避叔帶之難出居  
鄭地記在今縣南一里古汜城是蓋以周襄王居此故名  
襄城晉及後魏屬襄城郡開皇三年改郡為汝州以縣屬  
焉二十六年廢仙州復隸許州天寶七年又屬汝州  
汝水經縣南去縣一里縣理廢汝州城即古襄城楚靈所



築後漢馮異據之降世祖莊子曰黃帝遊於襄城之野七  
聖皆迷遇牧馬童子而問道焉亦此地也

郟城縣 縣 西北至州八十里

本春秋時鄭地後屬楚又入於晉七國時又屬韓至漢以  
為縣屬潁川郡晉屬襄城縣郡後魏屬南陽郡高齊省隋  
大業二年移父城縣於今縣西北五里屬汝州四年改父  
城縣為郟城縣汝水西去縣七里

扈澗水出縣北三十里

父城故城在縣東南四十里故殷時應國也在左傳楚大  
城父城使太子建居之

龍興縣 上 西北至州九十里

本漢郟城縣地後魏太和十八年置汝南縣高齊天寶七  
年廢開皇十八年復置汝南隋末廢則天證聖元年置武

興縣神龍元年改為龍興縣縣城本通鷓城即後漢賈復  
城復南擊于偃所築後魏太和二十三年孝文親征馬圈行  
至此城昏霧得三鷓引路遂過南山故號通鷓城

大龍山在縣東南三十五里劉累學擾龍遷於魯縣因以  
名山

汝水在縣北四十五里西南從梁縣界流入

湛水在縣東三十里春秋襄公十六年楚公子帥師戰於



湛水天是也

湍陽城一名應城在縣南二十五里後魏置滎陽縣開皇十年改為湛水武德四年又置湍陽縣

元和郡縣志卷第六

元和郡縣志卷第七

河南道三

汴宋節度使

汴州

宋州

亳州

潁州

汴州陳留

開元戶八萬二千一百九十  
元和戶八千二百一十八

鄉一百六十一  
鄉五十三

今為汴宋節度使理所

管州四

縣二十八

都管今戶三萬一千四百四十四

禹貢豫州之域春秋鄭地戰國魏都史記魏惠王自安邑理徙大梁即今浚儀縣秦為三川郡地漢陳留郡之浚儀縣也壽生說漢高曰陳留天下之冲衝四通五達之郊漢文帝以皇子武為梁王都大梁以其地卑濕東徙睢陽今宋



湛水天是也

湍陽城一名應城在縣南二十五里後魏置滎陽縣開皇十年改為湛水武德四年又置湍陽縣

元和郡縣志卷第六

元和郡縣志卷第七

河南道三

汴宋節度使

汴州

宋州

亳州

潁州

汴州陳留

開元戶八萬二千一百九十  
元和戶八千二百一十八

鄉一百六十一  
鄉五十三

今為汴宋節度使理所

管州四

縣二十八

都管今戶三萬一千四百四十四

禹貢豫州之域春秋鄭地戰國魏都史記魏惠王自安邑理徙大梁即今浚儀縣秦為三川郡地漢陳留郡之浚儀縣也壽生說漢高曰陳留天下之冲衝四通五達之郊漢文帝以皇子武為梁王都大梁以其地卑濕東徙睢陽今宋



州是也漢陳留郡即今陳留縣東魏孝靜帝於此置梁州  
周宣帝改為汴州以城臨汴水故也大業二年州廢以開封浚儀

屬鄭州隋亂陷賊武德四年平王充復置汴州

州境東西一百九十六里  
南北二百三十五里

八到西至上都一千二百八十里  
南至宋州三百里  
東北至曹州二百四十五里  
東南至陳州三百一十里  
東至東都四百二十里  
北至滑州二百一十里

貢賦開元貢絹二十疋  
和全賦綿絹

管縣六 開封 浚儀 陳留 雍丘 封丘 尉氏

開封縣望郭里本漢舊縣屬河南郡魏為秦所敗走保開  
封此城也晉屬滎陽郡後魏天平元年於此置開封郡高

齊天保七年廢隋開皇六年復置開封縣屬汴州大業二  
年廢汴州以縣屬鄭州武德四年重置汴州開封又屬焉  
貞觀元年廢延和元年於城內別置開封縣管東界

蓬澤在縣東北十四里今號蓬池左氏所謂蓬澤也

長垣故城一名倉垣城在縣北二十里漢陳留太守所理

梁王吹臺在縣南東六里俗號繁臺

沙海在縣北二里戰國策齊欲發卒取周九鼎顏率說曰  
大梁之君臣欲得九鼎謀於沙海之上為日久矣即謂此  
也隋文疏鑿舊跡引汴水注之以習舟師以伐陳平之  
後立碑其側以紀功焉今無水



六和君墓志  
蓼堤在縣東北六里高六尺廣四丈梁孝王都大梁以其地卑濕東徙睢陽乃築此堤至宋州凡三百里

浚儀縣

望郭下  
理西界

本漢舊縣屬陳留郡故大梁也魏惠王自

安邑徙此因浚水為名後魏於此置梁州周宣帝改為汴

州縣屬之隋大業二年廢汴州改屬鄭州武德四年於此

重置汴州以縣屬焉

夷門史記大梁城有十二門東門隱士侯嬴年七十家貧為夷門監者魏公子無忌厚遺之不肯受遺

枯遮梁溝秦始皇二十二年王賁引水灌大梁城於此溝

琵琶溝水西自中牟縣界流入通濟渠隋煬帝啟幸江都

自大梁城西南鑿渠引汴水即莫宅渠也

陳留縣

望西至州  
五十里

本漢陳留郡陳留縣地武帝置陳留郡

屬兗州按留本鄭邑後為陳所并故曰陳留又按彭城亦

有留此留屬陳故稱陳留晉為陳留國開皇三年分浚儀

縣置陳留縣屬汴州武德四年屬杞州今汴州雍丘縣是

貞觀元年廢杞州屬汴州

故莘城在縣東北三十五里古莘國地也國語湯伐桀與常頤之君等拒湯於莘之墟遂戰於鳴條之野

東昏故城本漢縣，東北九十里即陽武之戶牖即陳平之故里也



雍丘縣望西至州一百一十里一本漢舊縣亦古之雍國及杞國周武

王尅殷封禹後東婁公於杞後魏孝昌四年分東郡陳留

置陽夏郡理雍丘城開皇三年罷郡以縣屬汴州武德四

年於此置杞州貞觀元年廢以縣屬汴州

雍丘故城今縣城是也春秋時杞國城也杞為宋滅城北

臨汴河晉永嘉宋鎮西將軍祖逖為豫州刺史理於此逖

累破石勒軍由是黃河已南皆為晉土人皆感說逖卒

百姓立祠

高陽故城縣西南二十九里顓頊高陽氏佐少昊有功受

封此邑高祖攻昌邑西過高陽又酈食其墓在此外黃故

城縣東六十里黃本屬宋後屬陳留郡以魏郡有內黃故  
此為外黃

封丘縣繫南至州五十里古之封國左傳魯封父之繁弱是也後屬衛亦屬魏

漢高祖與項羽戰敗于延鄉有翟母者免其難故以延鄉

為封丘縣以封翟母屬陳留郡後魏并入酸枣宣武帝又

置封丘縣屬陳留郡開皇三年置郡以縣屬汴州

黃池在縣南七里魯哀十三年晉侯與吳子爭盟於此

尉氏縣北至州一百里漢舊縣春秋時鄭大夫尉氏之邑自漢歷

氏屬陳留郡不改高齊省以地入開封府開皇六年復置

尉氏縣屬汴州武德四年於此置有州貞觀元年廢以縣



屬州

三亭峒在縣西三十七里秦使謂者王稽使魏夜与范雎言曰待我於三亭之南即此崗之南也

故鍾城在縣西三十五里魏太尉鍾繇故里

宋州睢陽開元戶十萬三千 鄉一百九十三 元和戶五千二百 鄉八十三

禹貢豫州之域即高辛氏之子閼伯所居商丘今州理是也周為青州之域武王封微子於宋後為齊楚魏所滅三分其地魏得其梁陳留齊得濟陳東平楚得沛按梁即今州地秦并天下改為碭郡後改為梁國漢文帝封子武為梁王自漢至晉為梁國屬豫州宋改為梁郡隋于睢陽置

宋州大業三年又改為梁郡隋亂陷賊武德四年討平王充又為宋州天室末祿山亂兩河郡縣多所陷沒唯張巡許遠姚閻三人堅守睢陽賊將尹子奇併力攻圍逾年不尅城中孤危糧竭相食殆盡時賀蘭進明許叔冀屯軍臨淮爭推不協不發援師城竟為賊所陷巡遠等抗詞不屈遂俱被害然使賊鋒挫衄不至江淮巡遠之力也

州境東三百五十九里

西至上都一千五百八十里

東南至泗州七百五十里

西南至亳州一百四十里

西至東都九百二十里

東北至徐州三百五十里

貢賦開元貢絹二十八

賦綿絹二十八



管縣十 宋城 碭山 虞城 楚丘 柘城 穀熟  
下邑 單父 襄邑 寧陵

宋城縣望郭下 漢睢陽縣屬宋國後屬梁國後魏屬梁郡  
隋開皇三年罷梁郡以縣屬亳州十六年於此置宋州睢  
陽屬焉十八年改為宋城

睢水西南至寧陵縣界流入  
渙水西南自寧陵縣界流入

隕石水源出縣北四十里春秋時隕石於宋其處為潭小  
蒙故城縣凡二十二里即莊周之故里

州城古關伯之墟契孫相土亦都於此春秋為宋國都漢

梁孝王廣睢陽城七十里開汴河後汴水經州城南

兔園縣東南十里漢梁孝王園

清冷池在縣東二里

碭山縣上西至州一百五十里 一漢碭縣屬梁國後漢不改晉以其地

併入下邑宋復置碭縣屬梁郡後魏屬碭郡高齊文宣帝  
並廢以安陽縣屬彭城郡開皇十八年改安陽縣為碭山  
縣大業二年改屬宋州碭文石也以其山出文石故以名

縣

虞城縣上西南至州七十里 本虞國舜後所封之邑後漢及晉屬梁

國後魏延昌中於此置蕭縣理虞城屬沛郡高齊省開皇



十六年分下邑置虞城縣屬宋州

孟諸澤在縣西北十里周迴五十里俗號盟諸澤

故綸城縣東南三十五里左氏小康逃奔有虞，妻以姚而邑諸綸

平臺縣西四十里左傳宋皇國父為宋平公所築漢梁孝王大治宮室為複道自宮連屬於平臺三十餘里與鄒枚相如之徒並遊其上即此也

楚丘縣緊南至州七十里古戎州已氏之地至漢為已氏縣屬梁

國後漢屬濟陰郡北齊廢開皇五年又置屬曹州六年改為楚丘縣武德五年屬戴州今宋州單父縣是也貞觀十七年廢戴

州隸宋州

楚丘故城在縣北三十里

柘城縣上東北至州一百一十里本陳之株邑詩陳風株林劉靈公是

也至秦為柘城縣續漢志屬陳郡至晉太康中廢開皇十

六年復置貞觀初廢入穀熟寧陵二縣後縣人徭賦路遠

陳訢積年至高宗朝復置宋州其羅城即古株邑故城是也

渙水在縣北二十九里

穀熟縣上西北至州五十七里本漢縣地置於古穀城春秋時為

穀丘亦殷之所都謂之南亳漢於此置薄縣屬山陽郡薄



與亳義同字異後漢改置穀熟縣屬梁國開皇十六年屬宋州隋末喪亂縣人劉繼赫戮力固守免陷於賊武德二年置南穀州以繼赫為刺史四年罷以縣屬宋州

渙水在縣南二十八里

高辛故城在縣西南四十五里帝嚳初封於此

下邑縣上西至州一漢舊縣按魯為楚所滅頃公遷於下邑漢高祖攻下邑拔之在漢屬梁國後漢無下邑縣魏復

立焉晉宋屬梁郡開皇三年改屬亳州十六年改屬宋州故譙城縣北三十一里祖述屯淮陰進據太丘城遂剋譙城而居之謂此也

單父縣繁西南至州一古魯邑也漢以為縣屬山陽郡後漢以為侯國屬濟陰郡後魏置北濟陰郡理單父城開皇

三年廢郡又置單父縣屬濟陰郡十六年於縣置戴州單父屬焉大業二年廢戴州以縣屬曹州武德五年重置戴

州縣又屬焉貞觀十七年廢戴州縣隸宋州漢高祖后呂氏單父人

**單** 宓子賤巫馬期皆室單父

襄邑縣繁東至州一本漢舊縣即春秋時宋襄牛地也秦

始皇徙丞筮縣於襄陵改為襄邑縣漢以縣屬梁後又屬

陳留宋屬譙郡高齊文宣帝省入雍丘隋開皇十六年後

置襄邑縣屬杞州大業三年割屬梁郡武德二年後置杞



州以縣屬焉貞觀元年州廢縣隸宋州

睢水西自雍丘縣界流入

承筐故城在縣西南二十五里

宋襄公墓在縣城中東隅故號襄陵

寧陵縣縣東至州五十九里本漢舊縣寧亦作甯七國時屬魏安

釐王以弟無忌為信陵君邑於此漢初以魏咎為甯陵君

亦在此漢志寧陵屬陳留郡後漢屬梁國晉屬宋郡改屬

譙郡齊高省開皇六年復置屬亳州十六年割屬宋州

睢水西北自襄邑縣界流入

煥水西自襄邑界流入

故葛城在縣北十五里古葛伯國以不祀為湯所滅

大棘故城在縣西南七十里在氏宋華元鄭公子歸生戰

於大棘又七國反先擊梁棘即此城也

洧陵在縣南二十五里春秋鄭子罕伐宋宋將鉏樂俱敗

諸洧陵

故柘城在縣南七十里陳之株邑

故鄆城在縣南五十三里漢之鄆縣鄭伯克段於此

已我故城在縣西南四十里後已我城曹公初起兵於此

始基故城在縣南九十里晉蔡州刺史祖逖督護衛策所

築初乞活魁遣陳川據陳留沃儀遣將魏碩於谷水南營

臺灣國家圖書館 NATIONAL CENTRAL LIBRARY, TAIWAN, R.O.C.



逃遣策等追戰大破之因即立成留守策曰從祖公北伐  
數年功始基於此因以為名

仇留故城在縣南六十五里初陳川自始基敗後遣將仇  
留伐郢以逼蔡州祖逃遣衛策進成谷北高立以禦仇留  
故呼為仇留城

亳州望 開元戶七萬七百三十二 鄉一百三十七  
譙郡 元和戶六千五百二 鄉一百六十一

禹貢豫州之域至周不改春秋時為陳國之焦邑六國時  
屬楚在秦為碭郡地漢為譙縣屬沛郡初後漢熹平五年  
黃龍見譙太史單颺以為其國當有王者興不及五十年  
亦當復見後如其言魏文帝即位黃初元年以先人舊郡

又立為譙國與長安許昌鄴洛陽號為五都後魏復置南  
兗州周武帝改為亳州隋亂陷賊武德四年討平王充復

為亳州

州境東西三百六十七里

南北二百里

八到 西至上都一千七百二十里

正南微東至潁州二百六十里

東至東都八百六十里

東北至徐州三百九十里

西至陳州二百里 賦線絹黍稷麻麥

貢賦 開元貢絹二十疋

管縣八 譙縣 臨渙 鄆縣 城父 鹿邑 蒙城

永城 貞源

譙縣 緊郭 漢舊縣屬沛郡晉屬譙郡後魏無譙縣有小黃



縣隋開皇三年以小黃縣屬亳州大業二年改小黃縣為  
譙縣三年以亳州為譙郡縣仍屬焉

渦水在縣西四十八里魏黃初元年文帝以舟師自譙循  
渦入淮

魏文帝祠在縣東五里初魏太祖以議郎告疾歸鄉里築  
室於此讀書秋冬弋獵以自娛文帝以漢中平四年生於  
此宅

故梅城在縣四十里古梅伯國

臨渙縣繫西至州一百六十里一本漢鉅縣屬沛郡後漢屬沛國魏屬

譙郡梁武帝普通中克鉅城置臨渙郡以臨渙水為名後

魏改置渙北齊省臨渙郡改渙北縣為臨渙縣屬譙郡開  
皇三年廢郡留縣改置譙州神堯嘗為譙州刺史大業二  
年改屬亳州武德四年屬譙州貞觀十七年廢譙州縣隸

亳州

嵇山在縣西三十里晉嵇康家於鉅嵇山之下因改姓稽  
氏

蕪縣州上西南至七十里秦漢舊縣屬碭郡漢屬沛郡蕭何封蕪侯此邑也魏

蕪縣屬譙國後魏省開皇十六年復置蕪縣屬沛郡武德

四年改屬亳州

城父縣上西北至州七十九里春秋時陳國之夷邑亦名城父漢為



城父縣屬沛郡後漢屬汝南郡晉屬譙宋志闕而有浚  
儀縣開皇十八年以重名復改為城父屬亳州

渦水西北自譙縣界流入

淝水東南至下蔡入海

扶陽故城在縣東北三十六里漢常賢封邑

章華臺縣南九里

高陂縣南五十六里周四十三里多魚蚌菱芡之利

鹿邑縣

上東至州一百一十七里

一本漢鄆縣地春秋時鳴鹿邑屬陳國

左傳晉武子以諸侯之師侵陳至於鳴鹿是也晉屬陳留  
郡開皇三年改屬亳州為鹿邑縣

渦水西北自陳州太康縣界流入

鹿邑故城縣西十三里俗名牙鄉城春秋時鳴鹿邑也

武平故城縣東北十八里建安元年漢獻帝以曹公為大  
將軍封武平侯以此城為封邑

蒙城縣

上西北至州二百四十里

本漢山桑縣屬沛郡後漢改屬汝南

郡魏屬譙郡後魏孝文帝於此置渦州理山桑城其地後  
入於梁於此置西徐州後復入魏改為譙州改譙縣為  
渦陽縣隋改渦陽為淝水縣武德四年重立山桑縣屬譙  
州貞觀十七年廢譙州割屬亳州天寶二年改為蒙城縣  
縣城北臨渦水後魏渦州城也東魏武定六年侯景叛行



臺慕容紹宗破景於此

檀公城本漢山桑縣城宋檀道濟為征北將軍居此因名之

永城縣 西南至州一百四十里 一因隋舊縣本秦芑縣地漢不改後為

臨睢縣之境晉蘄縣地隋大業六年于馬甫城東北三里割彭城睢陽置縣遂名永城屬譙郡武德五年移于馬甫城屬譙州即今理是也貞觀十七年罷譙州以縣屬亳州碭山縣南五十里漢祖隱芒碭山澤間應劭注芒今在臨睢即永城縣是也碭屬梁國今碭山縣是二縣之界有山澤之固可以隱也

故費城縣南二十里

貞源縣 望東至州五十九里 本楚之苦縣春秋時屬陳後為楚所併

漢屬淮陽國後漢苦縣屬陳國晉屬梁郡成帝更名谷陽高濟省入武平縣隋開皇六年復置谷陽縣理苦城屬亳州乾封元年高宗幸瀨鄉以玄元皇帝生於此縣遂改為貞源縣

寧平故城在縣西南五十五里漢縣也晉永嘉五年東海王越自陽城率甲士四萬薨於項秘不發喪石勒兵追之及寧平城焚越屍於此數萬眾斂手受害尸積如山王夷甫亦遇害



玄元皇帝祠縣東一十四里祠院中有九井隋季井皆竭  
自武德以來清泉泌滿或云汲一井而八井水皆動

李母祠在縣東一十四里乾封元年冊號先天太后今謂  
之洞霄宮

潁州 汝陰 關元戶二萬八千一百七十九 鄉五十六  
元和戶一萬一千五百二十九 鄉六十一

禹貢豫州之域春秋胡子國楚滅之秦并天下為潁川郡  
之地在漢則汝南郡之汝陰縣也魏晉於此置汝陰郡司  
馬宣王使鄧艾於此置屯田後魏孝昌四年改置潁州高  
齊罷州置郡隋末陷賊武德四年討平王充於汝陰縣西  
北十里置信州六年改為潁州移於今理

州境 東西南北一百九十六里  
西取陳州路至上都一千八百二十里  
西至東都九百六十里  
西北至汴州七百里  
南至淮約一百里  
西北至亳州二百六十里

西至蔡州三百六十里  
東至壽州二百六十里

貢賦 開元貢純二十疋  
綿二十七屯

管縣四 汝陰 沈丘 潁上 下蔡

汝陰縣 上郭 本漢舊縣屬汝南郡魏文帝黃初三年屬汝  
陰郡後魏孝昌三年於此置潁州北齊廢以縣屬汝陰郡  
開皇三年罷郡以縣屬潁州武德置信州六年復為潁州  
縣皆屬焉



淮水西南流入經縣南去百里

潁水西北自陳州項城縣界流入俯於城下

汝水西南自蔡州新蔡縣界流入又東南入淮

寢丘故城在縣西北一百二十里楚相孫叔敖將死戒其子請寢丘之地即此

古任城在縣北一里陳將任蠻奴伐齊於潁水北岍築城以圍池陰

百尺堰在縣西北一百里司馬景王討王陵至百尺堰即

此

沈丘縣中東南至州一百二十六里一本漢寢丘孫叔敖子之封一名沈

丘漢為寢縣屬汝南郡後漢加丘字東魏於此置才州高齊文宣廢州改置寢信縣隋不廢縣邑至神龍二年十道使唐儉奏請分汝陰置沈丘縣

小汝水在縣北

潁上縣中西北至州一百一十七里一本漢慎縣地屬汝南郡自漢訖宋

不改隋大業二年置潁上縣屬潁州三年以潁州屬汝陰郡仍屬焉武德元年移於今理

淮水西南自汝陰縣界流入去縣七十里又東北入下蔡縣界

潁水西自汝陰縣界流入又東流入淮



下蔡縣 上西至州二百里 本漢舊縣古蔡國又吳州來之邑也

按蔡國本都上蔡又徙新蔡後又遷此故謂之下蔡漢以  
為縣屬沛郡後漢屬汝南郡隋大業二年屬潁州十二年  
移於今理武德四年於此置渦州下蔡屬焉八年州廢縣  
屬潁州

硤石山在縣西南六十里淮水經硤石中對岬山上築二  
城以防津要今按淮水以中流分界在西岬者屬下蔡  
在東岬者屬壽陽

淮水西南自潁上縣界流入  
淝水經縣理南去縣一里入淮

硤石城魏諸葛誕及王昶據硤石以逼誕即此城又晉孝  
武太元八年聞符堅入寇乃遣龍驤將軍胡彬水軍五千  
援壽春既陷退保硤石亦此城也今之縣城在舊城東北  
十餘里  
鄧艾廟在縣西一百二十步艾為魏將作陂營屯田後人  
賴其利因為立祠

元和郡縣志卷第七



元和郡縣志卷第八

河南道四

鄭滑節度使 滑州 鄭州

陳許節度使 許州 陳州

滑州 靈昌 開元戶五萬三千六百二十七 鄉一百五  
郡望 元和戶八千五百十六

管州二 滑州 鄭州

縣十四 都管戶二萬二千

禹貢兗州之域春秋時為衛國左傳曰狄滅衛立戴公

以廬于曹 今州城東北五里白馬 故城即衛之曹邑也 衛文公自曹邑遷于楚

丘 今衛南 衛成公又遷于帝丘 今濮州濮陽縣是也 戰國時其地屬

臺灣國家圖書館, NATIONAL CENTRAL LIBRARY, TAIWAN, R.O.C.



元和郡縣志卷第八

河南道四

鄭滑節度使 滑州 鄭州

陳許節度使 許州 陳州

滑州 靈昌 開元戶五萬三千六百二十七 鄉一百五  
郡望 元和戶八千五百十六

管州二 滑州 鄭州

縣十四 都管戶二萬二千

禹貢兗州之域春秋時為衛國左傳曰狄滅衛立戴公

以廬于曹今州城東北五里白馬故城即衛之曹邑也 衛文公自曹邑遷于楚

丘今衛南衛成公又遷于帝丘今濮州濮陽縣是也戰國時其地屬

臺灣國家圖書館, NATIONAL CENTRAL LIBRARY, TAIWAN, R.O.C.



魏始皇五年授魏二十城初置東郡漢因之後漢末袁紹以曹公為東郡太守東晉時慕容德自鄴南徙滑臺僭號南燕都於胙城至超徙都廣固為宋所滅宋武既平慕容之後盡得河南之地於此置兗州仍置東郡宋之北境守在此其城古滑臺甚險固後屬後魏宋文帝使王玄謨攻圍二十日不能服開皇九年又於今州理置杞州十六年改杞州為滑州取滑臺為名大業三年又改為東郡武德元年罷郡置滑州二年陷寇四年討平王充依舊置滑州

州境東西二百三十六里南北一百四十九里八到西南至上都一千四百四十里東北至濮州二百一十五里

南至汴州二百一十里  
正西至鄭州三百一十五里  
西南至鄭州三百一十五里  
北至相州一百三十里  
東南至曹州二百四十里

貢賦開元貢綾元和貢方文綾二十疋賦綿絹

管縣七 白馬 韋城 衛南 胙城 靈昌 酸枣  
匡城

白馬縣郭下本衛之曹邑漢以為縣屬東郡因白馬津為名隋開皇三年屬汴州九年屬杞州十六年改杞州為滑州縣又屬焉

白馬山在縣東北三十四里開山圖曰有白馬群行山上



悲鳴則河決馳走則山崩津與縣蓋取此山為名黃河去外城二十步

州城即古滑臺城城有三重又有都城周二十里相傳云衛靈公所築小城昔滑氏為壘後人增以為城甚高峻堅險臨河亦有臺慕容時宋公追征虜將軍任仲德攻破之即魏武破袁紹斬文醜於此岍者

鹿鳴故城縣北三十里宋書宋將王玄謨據滑臺宣令走鹿鳴城是也

黎陽津一名白馬津在縣北三十里鹿鳴城之西南隅鄴食其說漢祖曰守白馬之津塞飛狐之口以示諸侯則天

下知所歸矣謂此津也建安五年曹公征先主先主奔袁紹曹公擒關羽拜為偏將軍紹遣顏良攻劉延於白馬曹公使羽擊之羽刺殺良於萬眾之中遂解白馬之圍後慕容德為魏軍所逼率戶四萬餘徙於鹿鳴達黎陽津昏而水合是夜濟河訖旦而魏師至水亦尋泮德悅以為神助因改黎陽津為天橋津

河侯祠在縣南一里漢王尊為東郡太守河水盛浸瓠子隄尊臨決河不去後人嘉尊壯節因為立祠

韋城縣上西北至州六十里本漢白馬縣地殷伯豕韋之國也左傳

范宣子曰昔我之祖在夏為御龍氏在商為豕韋氏杜注東郡



白馬縣東南 隋開皇六年分白馬縣南境置常城縣屬汴  
州九年屬杞州十六年屬滑州

京觀在縣北二百步王莽篡漢東郡太守翟義舉兵莽遣

將王邑等八將敗義於此乃築烏谷號鬪巖臺

衛南縣 上西南至州五十五里 本漢濮陽縣地隋開皇十六年於此

置楚丘縣屬滑州後以曹州有楚丘縣改今名

鐵丘在縣東南十里

故鉏城在縣東十五里左氏后羿自鉏遷于窮石是也

昨城縣 上北至州九十里 本古之昨國左傳凡蔣邢茅昨祭周公

之胤也又為古之燕國 左傳魏人燕師伐鄭是也 漢為南燕縣其後莽

容德都之復號東燕縣開皇三年廢東郡以縣屬汴州十

八年文帝因覽奏狀見東燕縣名因曰今天下一統何東

燕之有遂改為昨城屬滑州武德二年於此置昨州領昨

城又置東燕縣四年廢州昨城屬滑州

石丘在縣東北三十里俗傳漢成帝時星隕之者也

濮水縣南二十里西南自酸枣縣界流入

靈昌縣 上東北至州七十里 本漢南燕縣地自漢至隋不改開皇十

六年分東燕酸枣一縣置靈昌縣取靈昌津以為名屬滑

州

黃河在縣北一十里

卷八

四

元口印錄